

PAJINA INFORMATIVA 4. VIOLÉNSIA SEKSUÁL HASORU FETO IHA TIMOR-LESTE

Atualizadu Marsu 2016

Iha nasaun hotu-hotu, violéncia hasoru fetu no labarik-fetu nu'udar kestaun saúde no direitus umanus. Globalmente, 35% husi fetu sira hetan ona violéncia fízika ka seksuál ruma durante sira-nia moris, no 30% hetan violéncia husi parseiru íntimu.¹

Iha 2015, nu'udar parte husi Programa Nabilan, The Asia Foundation halo Estudu Levantamentu Baze kona-ba Saúde no Esperiência Moris. Estudu ida-ne'e iha objetivu atu prodús dados nasional kona-ba prevaléncia, no konsekuénsia sira husi violéncia hasoru fetu ho forma oioin, hodi hasa'e konxiénsia, informa programa no polítika sira, no monitoriza progresu hodi hapara violéncia kontra fetu iha Timor-Leste.

Levantamentu ba fetu sira ne'ebé representa nível nasional halo ona ho fetu na'in-1.426 ne'ebé hili ho forma aleatória (acak). Levantamentu kona-ba mane sira-nia perpetrasaun halo ona ho mane na'in-839 ne'ebé hili ho forma aleatória (acak) liuhusi amostra rua ne'ebé representa iha nível munisípiu. Hodi hetan informasaun ne'ebé detalhadu liután kona-ba metodolojia, favór haree Folla Informativa Faktu 1.

KONKLUZAUN PRINSIPÁL

Feto barak ne'ebé experiéncia violasaun seksuál iha Timor-Leste.

- Liu fetu nai'in-ida husi fetu nai'in-10 (14%) entre fetu hotu-hotu ne'ebé partisipa iha levantamentu, hetan violasaun seksuál husi mane ida ne'ebé la'ós sira-nia parseiru íntimu pelumenus dala ida durante sira-nia moris, no fetu na'in-ida husi fetu na'in-10 (10%) hatete katak sira hetan violasaun seksuál ne'e durante fulan 12 liubá.
- Porsentu 4 entre fetu hotu-hotu hetan violasaun seksuál husi mane ne'ebe la'ós sira-nia la'en ka namoradu iha momentu nia (feto) lanu ka uza droga demais hodi rejeta.
- Entre fetu hotu-hotu ne'ebé partisipa iha levantamentu, 3% hatete katak sira hetan violasaun seksuál husi grupu ida durante sira-nia moris.
- Sorin-balun husi fetu sira ne'ebé hatete katak sira hetan violasaun seksuál husi ema ne'ebé la'ós parseiru íntimu, hetan violasaun seksuál liu dala ida.
- Maibé, iha maioria kazu violasaun seksuál, autór mak fetu nia parseiru íntimu (kaben ka seluk). Liu fetu na'in-ida husi fetu na'in-tolu (34%) entre fetu hotu-hotu ne'ebé partisipa iha levantamentu, hatete katak sira esperiência ona violasaun seksuál (husi sira nia parseiru íntimu ka ema seluk) durante sira nia moris. Aleinde ne'e, 27% husi fetu hotu-hotu ne'ebé partisipa iha levantamentu esperiência ona violasaun seksuál durante fulan 12 liubá.

Kaixa 1: Definisau sira kona-ba violasaun seksuál

Violasaun seksuál husi ema ne'ebé la'ós parseiru signifika katak fetu ne'e forsadu atu halo relasaun seksuál sein nia konsentimentu, ka iha momentu nia lanu ka uza droga demais ho nune'e labele rejeta.

Violasaun seksuál husi grupu signifika katak fetu ne'e forsadu atu halo relasaun seksuál ho mane múltiplu iha momentu hanesan, sein nia konsentimentu, ka iha momentu nia lanu ka uza droga demais ho nune'e labele rejeta.

Violéncia seksuál husi parseiru íntimu signifika katak fetu ne'e: parseiru mane obriga nia halo relasaun seksuál ka halo relasaun seksuál tanba nia ta'uk kona-ba saida mak nia parseiru bele halo.

Figura 1: Feto nia esperiência ba violasaun seksuál husi mane ne'ebé la'ós sira nia parseiru íntimu



Figura 2: Persentajen fetu sira ne'ebé hetan violasaun seksuál durante sira-nia moris




Sujere sitasaun: The Asia Foundation. 2015. Pajina Informativa 4: Violéncia seksuál hasoru fetoiha Timor-Leste. The Asia Foundation, Timor-Leste: Dili.

1 World Health Organization (2013) Global and regional estimates of violence against women: Prevalence and health effects of intimate partner violence and non-partner sexual violence (Estimativa global no regional kona-ba violéncia kontra fetu: Prevaléncia no efeitu saúde nian husi violéncia ne'ebé halo husi parseiru íntimu no violéncia seksuál ne'ebé halo husi mane ne'ebé la'ós parseiru). Disponivel iha:

http://apps.who.int/iris/bitstream/10665/85239/1/9789241564625_eng.pdf.

Feto dala barak koñese (hatene) mane ne'ebé halo violasaun seksual ba sira

Feto barak ne'ebé experiénsia violasaun seksuál husi mane ne'ebé la'ós sira nia parseiru íntimu hatete katak violasaun ne'e komete husi ema ne'ebé sira koñese – normalmente aman ka membru familia seluk, mane ne'ebé mak sira nia viziñu ka kolega husi familia.



*Entre feto sira ne'ebé iha ona esperiénsia violasaun seksuál husi mane ne'ebé la'ós sira nia parseiru


Mane sira ne'ebé halo violasaun seksuál hahu aktu ne'e bainhira nia iha idade nurak

Liu sorin balun (59%) husi mane hotu-hotu ne'ebé halo violasaun seksuál halo asaun ne'e bad ala uluk iha momentu sira sei adolexente (foin-sa'e).


Entre **15-22%** husi mane sira iha estudu ida ne'e halo ona violasaun seksuál ba feto sira ne'ebé la'ós sira parseiru

Maioria mane sira ne'ebé halo violasaun seksuál halo hodi halimar ka anima ka tanba sira sente katak sira iha direitu hodi halo

Ba mane sira ne'ebé halo ona violasaun seksuál ba feto ida, Estudu ne'e inklui pergunta ida kona-ba sira-nia motivasaun tansá halo violasaun seksuál. Iha Dili no mós Manufahi, mane barak hatete katak sira-nia motivasaun relasiona ho sira-nia direitu atu halo relasaun seksuál (nu'udar ezemplu, sira sente katak iha direitu atu halo relasaun seksuál maski laiha konsentimentu) ka sira halo ida-ne'e tanba 'halimar de'it' ka tanba sira 'sente baruk'.



*Entre mane sira ne'ebé hatete katak sira halo ona violasaun seksuál ruma



*Entre mane sira ne'ebé hatete katak sira halo ona violasaun seksuál ruma.

La'ó ba oin: Program Nabilan no prevensaun violénsia harosu feto

Konkluzau husi Programa Nabilan nia Estudu Levantamentu Baze kona-ba Saúde no Esperíénsia Moris hatudu katak violasaun seksuál husi parseiru íntimu no husi ema seluk nu'udar kestaun importante ne'ebé fô impaktu ba feto barak iha Timor-Leste. Dadus husi Estudu ne'e hatudu katak iha nesesidade urjente atu garante katak lia-menon sira kona-ba prevensaun violénsia seksuál relasiona ho konsentimentu no respeitu no foka ba labarik-mane sira molok sira sai nu'udar adolexente (foin-sa'e). Pasu importante sira hodi hapara violénsia hasoru feto iha Timor-Leste inklui hadi'ak asesu ba saúde, justisa no servisu legál sira, no mós tau matan ba kauza fundamentál ba violénsia – liuliu norma sosiál kona-ba mane no feto sira-nia papél – no halo mudansa ba atitude sosiál ne'ebé simu violénsia hasoru feto. Hamutuk, ita bele hapara violénsia molok akontese.